

DISPUTATIO MEDICA

DE

DYSENTERIA PUTRIDA.



DISPUTATIO MEDICA  
 INAUGURALIS,  
 DE  
 DYSENTERIA PUTRIDA,

QUAM,  
 ANNUENTE SUMMO NUMINE,

*Ex Auctoritate Reverendi admodum Viri,*

GULIELMI ROBERTSON, S.S.T.P.  
 ACADEMIÆ EDINBURGENÆ PRÆFECTI;

NEC NON

*Amplissimi SENATUS ACADEMICI consensu,*  
*Et nobilissimæ FACULTATIS MEDICÆ decreto;*

PRO GRADU DOCTORATUS,

SUMMISQUE IN MEDICINA HONORIBUS ET PRIVILEGIIS,  
 RITE ET LEGITIME CONSEQUENDIS;

*Eruditorum examini subjicit*

CHRISTOPHORUS DOUGLAS,  
 BRITANNUS.

Ad diem Maii, hora locoque solitis.

EDINBURGI:  
 Apud R. FLEMING et P. NEILL.  
 M,DCC,LXVI.



DIGNISSIMIS ET VERA AMICITIA SPECTATIS VIRIS

JACOBO DAUSON, JACOBO BRUCE,

PRYSIO DONALDSON,

VADIO TOBIAE CAULFEILD,

BRITANNICIS CENTURIONIBUS

OMNIBUS,

SUO ANIMO QUI ET FUERUNT SEMPER, ET

SEMPER ERUNT CARI,

HOC LITERARUM MUNUS,

MILITARIBUS VIRIS,

MONUMENTUM ET PIGNUS AMORIS,

SACRUM VOLUIT

CHRISTOPHORUS DOUGLAS



CHRISTOPHORUS DOUGLAS,  
JACOBO CRAUFURD,

TERTIAE COHORTIS REGIORUM SA-  
TELLITUM CENTURIONI

Salutem plurimam dicit.

CUM tui meus amor, tum patru-  
tui Crafordii ducis, publico com-  
modo et privato suorum omnium, quos  
egregia benevolentia complexus est,  
immatura et miseranda morte erepti,  
charitas fecerunt; ut te non natura,  
quam morum et animi similitudine,  
ei propinquiorem, quasi pro ipso illo  
habuerim; quaeque ipse vivus auditu-  
rus fuit, ut ejus nomine audires, ora-  
verim. Accipe igitur, quasi tu ea con-  
tulisses, multorum ejus in me col-  
latorum beneficiorum grati animi testi-  
monium; accipe veras et sine fuco lau-  
des,



des ; ipse in cari capitis memoriam  
mecum revocare ; uterque piorum a-  
nimorum “ donis” merentis “ animam  
“ adcumulemus, et fungamur inani mu-  
“ nere.”

DISPŪ-



# DISPUTATIO MEDICA

D · E

## DYSENTERIA PUTRIDA.

**D**YSENTERIA PUTRIDA, quam morbi speciem tractaturus sum, exeunte fere aestate, vel ineunte autumnno, in regionibus septentrionalibus per populum grassari incipit; eoque magis, si ardores modo praecefferunt, et coelum vel imbres, pluviaeque, vel frigora, praesertim matutina et vespertina, mutabilius reddiderunt. Contra in plagis terrarum calidioribus, nullo saepe discrimine per omnia anni tempora solet apparere.

Dysenteria  
quo tem-  
pore inci-  
dat;

Hic morbus febris, sed singularis naturae, esse videtur; adeoque prima ejus aliorum morborum acutorum signis haud dissimilia pleraque se ostendunt; quae, utique ita ut apparent, ordine narrabo.

ejusdem  
communis  
natura,

ADVENTANTE morbo, totius corporis lassitudo est, interdum vertigine rapi caput videtur, vel

variique  
affectus.

hoc

hoc sicut et tergum dolent. Praeter solitum ventriculi regio tumescit, ipse mordetur, ructus hominem, et saepe nausea male habet, quam aliquando flavae, viridis, vel subrubrae materiae vomitus, subsequitur. (a) Ad haec pulsus arteriarum citati, cutis ficcitas, sitis, et horrores, accedunt. Atque haec fere per unum alterumve diem, ita sese habent.

NONNUNQUAM, sed rarius, nihil horum praeter pulsus citatos ac nauseam incidit, et vera morbi facies subito se profert. Dolor et tormina, a superiore abdominis parte incipientia, paulatim ad inferiora Coli et Recti loca cum murmure decidunt; moxque copiosa et coloris varii, modo liquidiora, modo crassiora, interdum stercoreis ad naturam, saepius ad bilis propius accedentia, alvo redduntur. Haec licet primo quoque tempore crebra sint, tamen sine multo dolore efferuntur.

NEQUE vero hoc diuturnum est: Secundo enim circiter die, vel etiam maturius, tenesmus invadit; quo malo neque molestius, neque dolentius, quicquam esse potest; nam, post hoc tempus, constans cupiditas desidendi est, quae nunquam non tormina, praesertim homine desidente, et vehementer deorsum premente, adauget. Quae al-

VO

(a) BAKER, p. 19.

vo reddi magna copia dicta sunt, ea et minus copiose paulatim post secundum diem redduntur, et naturam priorem mutant, neque tamen ullam speciei aut figurae aequalitatem servant, varietque a scriptoribus variis memorantur. Frequentia sunt, et maxime spumoso mucosum, modo sanguine, modo bile, et sanguinis aliquantulum admixtis, constantia. Aliquando idem hic spumoso mucus, nulla re admixta, pallidam seu lutulentam flavescerentem repraesentat. Ipse solum sanguinem ita vidi, ut muci frustulis quasi interstinctus videretur. Vir clarus PRINGELIUS (a) postero die, vel brevi post, alvum exiguum, aquosum, et limosum esse, torminibus et tenesmo comitantibus, contendit. RUPPIUS (b) eandem paulatim liquidiora deiecerit, vel quaedam carnis lotionibus haud dissimilia, exprimere testatur. Idem sanguinis excretionem in febris modo consistere, et nisi haec vehementior fuerit, illum per dies aliquot non esse appariturum, confirmat.

NONNULLIS, post hoc tempus, perque totum morbi cursum, quoties alvus purgatur, dura stercoreis frustula avelluntur. Post idem tempus, sed saepius, morbo jam inclinante, pingua quaedam, casei frustulis haud dissimilia, erumpunt; quibus elapsis, urgentia mala aliquamdiu levantur. Le-  
vantur

(a) P. 235.      (b) P. 213.



vantur quoque, si quando vermes rotundae, five supra, five infra, (nam utrumque interdum fit), e corpore prorepunt.

PROUT morbus procedit, ita et numero et vi omnia increfcunt : Ad fupra enim memorata accedunt anus procidens, urinae difficultas, eadem vel rufo vel alto colore exiens, urethram pungens, et aliquando exiguum aliquid, caefae reliquiis fimile, ad imum vas praecipitans. Lingua rubefcit, et pro majore aut minore febris aut putredinis vehementia, faepe vel albo flavoque muco, vel fordida atra crufta ita obducitur, ut vox nihil fignificet : Tum cutis calefcit, vigilia et anxietas, fumum cibi faftidium, fumma imbecillitas, fuperveniunt.

HAEC modo dicta mala per totum morbi curfum manent, donec hic vel ad falutem inclinet, vel, deficiente natura, etiam in pejus omnia ruant. Si falus futura eft, nihil novi addetur ; fi mors expectat miferum, per novas et majores turbas ufque eum rapiet. Reftat igitur altera pars graviorque dicenda, ad quam proxime tranfeundum eft.

IN hac parte cum aliae moleftiae, tum tormina et tenefmus augentur. Hujus autem violentia, ufque adeo extremum Rectum protrudit, adeoque tumefactum

tumefactum inflammat, ut hoc, sine summo dolore, nihil intro accipiat. In eadem quoque parte filamenta intestino, atque etiam totam interiorem tunicam abrafam, medentes observarunt. (a)

JAMQUE omnia mala febrilia mirum in modum intenduntur, arteriarum pulsus creberrimi sentiuntur, cutis ardor manu exploratus punctiones quasi repraesentat; sentitoque aeger extrinsecus frigore omnia intus ardere conqueritur: Summam anxietatem, summam circa praecordia gravitatem, animosque depresso, tolerat. Quin et robur adeo fractum est, ut desidentem anima saepe deficiat. Dejectiones frequentissimae aliae alias excipiunt; quodque alvus reddit, id acre, saniosum, male olet; interque exeundum, ut homini ardere Rectum videatur, facit. SYDENHAMUS (b) sincerum sanguinem, ne mucosum quidem intermixto, largiore copia singulis conatibus effluere observavit.

PORRO licet magna aëris vis exeat, tamen hic a putrida materia, intestinis conclusa, cito renatus, tormina cum murmure prope assidua reddit. (c) Ipse etiam, aëre quamvis libere emissio, ventrem durum, tensum, et tumidum, comperi.

BREVI

(a) CHESNEAU obs. med. lib. iii. obser. 4. Med. Eff. Vol. VI.

(b) Cap. iii. p. 180. (c) PRING. Cap. vi. § I.

BREVI post quam huc magnitudinis morbus pervenit, multa putredinis signa prodeunt : Lingua et dentes, si non ante, nunc arescere, nigrescere, fordescere, et in rimas quasi fatiscere, spiritus pessime olere, vaporesque a misero undique summissi pernicipiei esse, apparent. Ad haec petechiales, pessima nota, maculae summo corpore efflorescunt. Aliàs nigrae cum aphthis crustae os et fauces obsident.

MORTE jam intestini incepta, foedissima olfactu, jamque cadaver olentia, inscio homine, alvo elabuntur. Totum robur perit, animi prorsus deprimuntur, omnesque vultus Hippocratici notae apparent, sitis finitur, aegre devoratur, ac gutturis crepitus demum exauditur. Nullus jam amplius dolor sentitur, extremi artus frigescent, frigidique circa pectus et frontem sudores oriuntur. Arteriae depressiores, celeriores, inaequales, et remittentes fiunt. Singultus, stupor, ac leve delirium, interdum tendinum subsultus, et convulsiones incidunt. Postremo, intolerabilia adstantium naribus, tenuia, saniei naturam habentia, assidue per alvum effluunt : Atque sic miserimus, prope omni motu, omni sensu prius perduto, infandis demum aerumnis morte liberatur.



SUPRA narrata hunc morbum, nisi ad salutem maturius inclinaverit, febre nunquam carere, eamque ab origine Dysenteriae usque adhaerere ostendunt. Dysenteriam, quando epidemica est, alii morbi acuti, eodem tempore, eodem coelo orti, saepe adeo comitantur, ut mixta, ideoque exploratu difficilis, illius natura videatur. Itaque multi graves viri SYDENHAMO assentientes, esse quasi ejusdem temporis, ejusdem coeli febrem in intestina conversam, crediderunt.

QUIN et mihi, Chirurgi munus in castris Britannicis bello proximo obeunti, atque in Lusitania officii causa versanti, eadem res explorata videbatur. Cujus rei historiam ad modo comprehensa testimonia adtexere haud erit alienum.

COELUM aestivum, anno MDCCLXII, fere calidissimum et aridissimum erat, quod genus tempestatis usque ad medium Septembrem permansit. Nos vero post mensem Julium longa, ardua, et nocturna itinera, per medios rores densissimos, exercebant. Militibus malignius cibaria et comeatus suppetebant, cumque ad locum, ubi castra erant metienda, esset perventum, deficientibus tabernaculis, sub ardente sole procumbere necesse habebant.

Ipsi scriptori quaedam observata.



bant. Quibus rebus fiebat, ut languescerent, perduto colore ac vultu salutari pallefcerent, et resoluti habitûs etiam tum manifesta signa proderent. Prae caeteris vero ardores talia corpora in periculum morborum putridorum perducebant.

JAMQUE causa occasionalis, quae hactenus sola defuerat, instabat. Nam in saltu quodam, qui Villa Vellia dicitur, quindecimo Kal. Octob. milites sub divo sine tentoriis pernoctare coacti, et folis suberibus ad Tagi fluminis ripas forte crescentibus, a coeli inclementia tecti, per quatuordecim dies et noctes continuas, imbribus largis et frigoribus, ardores et siccitatem excipientibus, obiecti patuerunt. Antea perpauci vel Dysenteriam, vel quemvis alium morbum acutum experti erant. Post vero hoc tempus ad Martium ineuntem, anno post Christum natum MDCCLXIII, nullo discrimine tria putridorum morborum genera, febris putrida continua, febris biliosa remittens, et Dysenteria, per castra et hiberna saevierunt. Horum omnium signa, quae biduum vel triduum prima prodibant, ita prorsus similia inter se erant, ut in quod trium morborum generum desitura essent, praedici non posset. Communia vero haec signa levem nauseam, linguae albedinem, communem membrorum lassitudinem, cibi nullum desiderium,

caput

caput quasi vertigine circumactum, oculorum caliginem, moestum animum, postremo animae deficientis fere notabam initia.

TANDEM arteriae crebriores sed languidiores fiebant; qua nota, quasi signo dènum dato, qualis esset, morbus monstrabat. Multos enim, solita tumescentis ventriculi regionis nota praeunte, Dysenteria subito invadebat, aliis lentius obrepebat. Alvus primo quoque tempore tenuia, biliosa plurima fundebat, et mox, corporum roboribus multum minutis, anxietate afficiebat. Sitis solito minus urgebat.

QUOD si harum dejectionum primo impetui, qui complures rapiebat, resistere et superesse aegrotantes sustinuerant, illas quae deinde secuta sunt, eâdem naturâ erant, qua quaevis mala Dysenteria esse consuevit. Porro hunc morbum eâdem naturâ, qua febres putridae ac remittentes, fuisse, fidem faciunt; primum causae remotae ac occasionales, utrisque communes; tum medicamenta, paucis Dysenteriae propriis exceptis, in utraque efficacia; postremo in hac Dysenteria certae interdum remissiones atque oculi album in flavum mutatum. Quod constans fere in febre biliosa remittente nota est.

Morbi finis  
varius.

AETAS morbi omnino incerta est, quippe qui paucos dies tam in salutem definere quam hominem jugulare; vel ad quadragesimum diem, multoque etiam diutius durare, atque tum quoque mortem inferre, possit. Hoc vero constat, Dysentericos raro protinus ad salutem redire; siquidem ea ventriculi et intestinorum imbecillitas quae solutam alvum faciat, et factam diu servet, fere semper relinquitur. Quo fit ut, in victu vitaeque consuetudine culpâ admissâ, facile in morbum homo recidat. Quin et lienteriam aliquando eadem imbecillitas facit. Nec in femorum, crurum, pedumque aquam inter cutem, aut in hydropa graviolem morbi mutatio rara est. Quod ubi fit, si alvi profluvium non ex toto reprimatur, certe multum imminuitur. Atque hic fere morbi varius exitus est. Cujus utique effectus diuturni, et saepe vitae pares, reperiuntur. Imbecillitas enim intestinorum supra memorata, cum aliorum malorum periculum, tum diarrhoeae, ex levissimo quoque casu, olim faciet. Inter alia, id frigoris ad corpus adspirans quod ne tussim quidem excitare potest, tamen alvum cum molestia praecipitabit.

In incis  
cadaveri-  
bus obser-  
vata.

MORBI affectiones et cadavera incisa totum intestinorum tractum saepe affici, sed Colon et Rectum semper et gravissime, ostendunt. Quod autem, scrutatis intestinis, cognosci possit, observationibus



vationibus quibusdam accurati PRINGELII aliorumque in medium adlatis, paucis narrabo. Quinque cadavera quae ille primo aperuit, nigredinem cum putredine amplorum intestinorum, tunicaeque eorundem, praesertim Recti imique Coli, crassiores, ei in conspectum dederunt. Tunica villosa, vel abrafa, vel in mucosum aliquid viridis coloris mutata, erat, vel atro sanguineo limo obducebatur. Uni ventriculus partim erat mortuus, tenuia vero intestina integra esse in plerisque videbantur. Accuratus DONALDUS MONROIUS Rectum inflammatum, partimque mortuum, iis quae incidit, reperit. Duobus ima Coli pars etiam inflammata, et maculis liventibus distincta, cernebatur; uni tenuia intestina ubique rubescebant et inflammabantur; alteri liventes mortuaeque maculae ventriculum distinguebant. FRASERIUS, apertis cadaveribus, Recti Colique partem internam prorsus morbosam offendit, parvulasque vesiculas putrida maleque olente liquore plenas, quarum plurimas aegrotans alvo paucis ante diebus dejecerat, deprehendit. CLEGHORNIUS similia animadvertit; praeterque haec, duos tumores cavum Colon passim arctantes, observavit. PRINGELIUS et BAKERUS, cadaveribus nuper incisis, quosdam tuberculos albidioris coloris, figurae subrotundae, altitudine pares, impares latitudine, pustulisque vario-

losis

lofis pravis confimiles, nifi quod firmi nihilque cavi habere viderentur, conſpexerunt. Longâ Dyſenteriâ peremptorum inteſtina exulcerata, atque haec ulcera inteſtinorum amplorum tunicas roſiſſe, pluribus in locis ſunt reperta. Reliqua viſcera adeo varie, aliterque in aliis, affecta ſunt, ut nihil certius de iis dicere habeamus.

Cauſae an-  
tecedentes.

HUJUS morbi cauſae antecedentes ad quatuor referendae mihi videntur, aëra calentem, humentem, inquinatum, et putrefacientem alimentorum naturam. De quibus ordine verba faciam.

Calor.

DYSENTERIAM ante aeſtatis initium, ſineinque autumnii, raro contingere, inter pleroſque conſtat. Unde certam quandam coeli conditionem homines illi patefacere, ſuſpicio eſt. Quam quidem conditionem calorem eſſe, graviffimorum auctorum, qui de Dyſenteria ſcripſerunt, teſtimonia fidem faciunt. Qui quod Dyſenteria apud Ægyptios, Indos, et Arabes popularis ſit, hanc eandem ſane cauſam intulerunt. HOFFMANNUS (a) autem “ málí inquit moris Dyſenteriae ſolent graſſari, quando ingens muſcarum, erucarum, a-  
“ ranearum, et aliorum inſectorum,” quippe quae calor maxime gignat, “ copia in aëre obſervatur.” (b) Idem, in provincia Veſtphalia, anno MDCLXXXIV,

(a) Cap. vii. viii. § 2. (b) Lib. ix. § 2.

MDCLXXXIV, post insolitos coeli cum ariditate ardores, Dysenteriam per populum grassatam esse; item, anno MDCCIXX, ob similem causam, per maximam Germaniae partem saeviisse, testatur. Eandem rem SENNERTUS, (a) anno MDCXXIV, usu venisse scribit. Eandem VINTRINGHAMIUS, annis MDCCXVII et MDCCIXX, EBORACI observavit.

EA igitur testimonia ad rem probandam satis sunt; cujus utique ratio paulo difficilior est. Haec mihi verisimillima videtur. Quoniam calori proprium est omnia corpora permanare, partes omnium laxare, majorique inter se intervallo disponere; idque cum in universis aliis rerum corporibus manifesto fit, nam, ut canit Poeta,

“ *Permanat calor argentum penetraleque saxum,*  
 “ *Quando utrumque manu retinentes pocula rite*  
 “ *Sensimus infuso lympharum rore superne;*” (b)

tum corporibus in nostris facillimum factu est; certe omnes firmas nostri partes omnesque humores calor resolvere dicendus est. Sed haec ipsa resolutio putredini nos objicit, siquidem nihil nisi prius resolutum putrescere possit. Praeterea firma nostra sic resoluta minus valide in humores

(a) Lib. III. Pars ii. § 2. (b) Lucretius.



humores agunt. Quo fit ut hi porro dissolvantur, magis quiescant, atque ideo quoque proclivius in putredinem ruant. Porro humores nostri non solum calore sic putrescunt, sed acrem etiam aliam quandam naturam praeterea acquirunt, ut manifestum, tam in aliis secretionibus, quam in bilis, est. Quae acris natura non solum calori in ipsos et partes firmas agenti, sed insuper ingestis, parum a vitae viribus mutatis, propriamque naturam sponte sequentibus, deberi; ideoque Dysenteriam facere posse, videtur.

Ejus vis  
subita.

ARDORES, si diuturniores fuerunt, putridorum morborum fundamenta jacere nemo, opinor, dubitabit. Quorum tamen vim ad firma resolvenda, humores rarefaciendos, ideoque corpora putrefacienda, aliquanto efficaciorum multoque celeriorum esse quam vulgo creditum est, sequens res suspicionem mihi fecit. Transductis in Lusitaniam copiis Britannicis, quae cohors primum in terram exposita est, cum ea, mense Julio, ardentissimi diei mediis fere horis iter duodecim millium passuum faceret, undecim viri ex illo agmine, jubaris, ut opinor, vi confecti, interierunt. Neque hoc solum iis male cessit; sed et intra quatuordecim dierum spatium, amplius centum febribus cum inflammatione, mox in biliosas remittentes conversis, ad nosocomia deportati sunt.

Item



Item Dysenteria hanc cohortem brevi post corripuit. Quem casum ad ardorem et proficiscendi fatigationem acceptum referendum esse, Craufordiani et Lambertiani milites, tali itineri non objecti, sed omnes alias res cum illis pariter experti, atque ad mensem Septembrem usque secundâ valetudine, paucis exceptis, usi, fatis superque probant. Quod si putredo hunc casum non intulit, quippe qui sine humore parum effici posse videatur, nonne aëris illa vis, paullo ante memorata, rem fatis explicabit?

NEQUE minus quam calor aëris quoque humor Humor, ad Dysenteriam viam facit. Qui si cum illo utique conjunctus est, tum demum potentissime nostra corpora putrefacit; idque, firma resolvendo, et horum fibrarum robur minuendo, facit. Sic enim sanguis tardatur, minus toto corpore feceritur atque excernitur; hinc gravitas atque imbecillitas omnibus membris percipitur. Itaque languor homini obrepit, ingesta parum concocta in putredinem ruunt. Tandem sanguis, caeterique humores corrupti, quoque putrescunt.

AERA humidant non solum pluvia ac rores, Aëra humidantia. verum etiam exhalationes atque vapores, a fluminibus, a madidis locis, a paludibus, variisque humi sive arbusculis, sive arboribus succrescentibus,

bus, submissi. Quo fit, ut ii loci maxime sint insalubres, qui copiam harum rerum maximam suppeditant. Itaque vastae silvae omnium nocentissimae reperiuntur, ubi, praeter incommoda enumerata, aër conclusus stagnat. Quod si quis locus non in mediis his rebus, hunc morbum gignentibus, situs est, hujus tamen materiam e vicino tractu ipsi venti adferent; quae res nostris colonis Americanis notissima est. Qui, quo latius regiones proprias, silvis excisis, purgaverunt, eo se, cum aliis morbis, tum putridis, liberiores comperiunt.

Eundem  
inquinan-  
tia.

PRAETER vero aëris humorem, alia ejusdem quoque conditio nocet; siquidem variis is saepe oneratur noxis, ab animalium aut terra nascentium impuritate pariter orientibus: Idque prae caeteris fit, quoties in angustum locum hominum multitudo concluditur. Itaque castra, naves, sive longae sive vectoriae, nosocomia et carceres, multiplicibus aëra sordibus, putridis, acribus, semperque nocentibus, implent. Miseri autem mortales, qui talem labem corporibus undique accipiunt, alii aliis morbis, plerique Dysenteria, rapiuntur.

Pravus  
victus.

SUPRA ostendimus, firma nostrorum corporum resoluta, inter alios effectus malos, id quod per cibum

cibum aut potionem assumptum est, parum concoquere : Quod si ad vim coquendi minutam aliena ingesta insuper accedunt, ut haec minus etiam coquantur, et in prava natura chylum mutantur, necesse est. Cum vero hic morbus putridus sit, ejusmodi victus, qui putridâ naturâ est, una cum aliis causis supra comprehensis, corporibus nostris putredinem objiciet : Neque enim, quae alimenta imbecillo ventriculo accipiuntur, adeo propriâ naturâ privantur, ut sanguine jam recepta non aliquantum ejusdem naturae retineant. Putredinem vero hujusmodi cibi faciunt, carnes salitae, quae nunquam putredine carent, eaedem, piscesve, imbui jam putridâ naturâ incipientes ; et ex recentibus carnibus, eae in quibus hoc expeditissimum est, qualis est suilla, quae perspirationem insuper impedit(a), panis, vel ipse corruptus, vel e frugibus corruptis confectus ; postremo, potui data aqua stagnans, vel palustris.

CAUSAE Dysenteriae occasionales plures esse ; hujus utique omnes ad duas communes, perspirationem impeditam, et contagionem referri, queunt.

Causae occasionales.

LICET plures casus perspirationem impedire queant, aëris utique cum humore frigus ad id potentissimum est : Quamvis enim calor praecedens aliaque, de quibus supra relatum est, satis opportu-

Perspiratio

C

tunum

(a) Sanct. § iii. ap. 23.



tunum morbo corpus reddiderunt, tamen hic se prius non prodere consuevit, quam vel coelum pro prioribus ardoribus frigescens, vel imbres perspirationem impediverint. Id quod multis exemplis, prae caeteris post proelium Dettingense, PRINGELIUS illustrat(*a*): Hic enim cum, in loco ubi acies constiterat, eadem nocte milites discubuissent, et postea in locis pluviam madefcentibus castra posuissent, mox plurimi in Dysenteriam inciderunt. Idem per multos annos, VINTRINGAMIUS, praesertim anno MDCCXXVI, incidisse testatur. Idem etiam, ut supra memoratum est, in Villa Vellia factum. Porro flumina inundantia aëra humore onerant, ideoque sic humidatus aër Dysenteriae occasionem praebet. HOFFMANNUS(*b*), quantopere haec aegrotantium numerum, anno MDCCIXX, auxerint, commemorans, “ in illis domibus,” inquit, “ quae proxime ad flumen sitae erant, majorem et crudeliorem exercebant tyrannidem.”

Huic ego in Lusitania simile vidi, cohorte nostra, mense Januario, anno MDCCLXIII, in oppido Tanco hibernante. Hoc mense imbres bis adeo auxerunt Tagum, ut dimidium oppidum ad secundam domuum contignationem inundaret; itaque dimidia quoque cohors in stagnante regione

(*a*) P. 20. Part. I. cap. 3. (*b*) § ii. cap. 7.

ne collocata, intra domos se necessario continuit. Quo facto, brevi post aegrotantium numerus dimidio major quam in altera oppidi parte fuit. Porro e Lochartii Gordonis, patricii juvenis, militibus, qui in editiore loco per domos siccas, exiguoque a Tago intervallo disjunctas, forte distributi erant, ne singularis quidem homo in Dysenteriam incidit. Contra, per XL dies, quibus hoc in oppido fuimus, e centenis et quinquagenis, centeni nostrae cohortis aegrotabant. Cujus rei haec mihi ratio videtur; frigore vel ad corpora hominum adspirante, vel humore eadem attingente, non solum materia perspirationis, sed et maxima nocentium, acrium rerum copia, quae per ardores libere exierat, intus retinetur. Utraque corpore cohibita, et in intestinorum tractum conjecta, ibi sub morbi forma secernitur. Anni tempus, sicut et consensus qui inter summum corpus et intestina intercedit, item horum amplum spatium, ad haec potius quam aliò materiam morbi revocare possunt.

Huic morbo cum aliis omnibus putridis communis est contagio; illumque in corpora hominum aër vaporibus hujus repletus, insinuat. Neque tamen horum vaporum virus tantum est, ut nullo discrimine omnes adgrediatur. Nam si hoc ita esset, nemo aegrotantibus sive medens, sive ministrans, fugere

Contagio.

fugere morbum posset. Concedendumque est in hoc morbo, pari modo, ac in multis aliis, siue inflammationem, siue putredinem, seu denique ipsam pestem, habentibus, corpora hominum ita prius afficienda esse, ut morbum accipere possint. Sic e pluribus, qui frigore pari sunt accepti, alios in febres, alios in laterum dolores, alios in rheumatismos, et similia mala, incidere, alios omni periculo vacare, quotidie videmus. Multi varicellarum, nonnulli pestis violentiae, resistere valent. Sic mihi quoque, vapores dysentericos aliis nihil nocuisse, alios febre cum Dysenteria affecisse, exploratum est.

NEQUE hoc meum dictum gravioribus caret auctoribus. Siquidem in illa Dysenteriae specie, quae Neomagi, anno MDCCXXXVI, ea cum saevitia grassata est, quae veneno arsenico comparata sit, DEGENERUS idem fateri cogitur; cujus haec sunt verba: “ Unum etiam subiectum, “ prae altero, ad hunc vel illum morbi fomitem, “ dispositum est (a).” Rursus etiam SENNERTUS, “ Non omnis,” inquit, “ pestis omnibus anima- “ libus, contagiosa est, non omnes eodem modo “ laedi videmus (b).”

PORRO causas antecedentes, de quibus meminimus, scilicet calor, humor, et victus pravus, cor-  
pora

(a) Pag. 34. § xxix. (b) Lib. IV. cap. iii. p. 802.



pora nostra putrefaciendo, resolvendo, atque ita hujusmodi morbis opportuniore reddendo, idem argumentum probant. Probant insuper, tot hominum beatus mundiusque in pace domi viventium, atque sic Dysenteriam ideo magis fugientium, exempla. Postremo, summum ad idem hoc argumentum pondus adfert, eorum, qui militibus praesunt, integritas: Hi enim, licet medii aegrotantibus sine metu liberius versentur, contagionem tamen omnem plerumque effugiunt; quia neque calorem et humorem vitandi copia iis magis permittitur; et si quando iisdem objiciuntur, talem utique victum, qualis vel incipienti labi quodammodo occurrat, vel jam inceptam corrigat, sibi parare solent. Quoties autem penes eos hoc non est, pariter in morbum ac gregarii milites incidunt.

ITAEQUE in Lusitania, ubi aegrotos quotidie in nosocomiis visitabant, sed salubriter victitabant, ne unus quidem in morbum est implicitus. Contra, apud Indos occidentales, carniū salutarum usus, et alia hujusmodi incommoda, plurimos in Dysenteriam conjecerunt.

CONTAGIONEM prae caeteris, vel multitudo in eodem loco aegrotantium, vel cubacula nimis exigua, et minus perflata, fovēt. Hujusmodi enim  
nim



nim locorum aër, putridis vaporibus, a spiritu, a perspiratione, atque ab alvo summissis, corrumpitur. Haec autem ab omnibus contagiosâ esse naturâ conceditur. Hinc vestis stragula, totusque lectus inficitur. Cum igitur hanc aër contagionem perferat, tot homines in hunc implicari morbum, ex hac magis quam ulla alia causa, non est mirandum: Quippe quae, per corporis summi undique foramina, per pulmones, per oesophagum, perque anum, morbum insinuare possit. Quibusquibus vero viis haec noxa corpore recipiatur, Dysenteriam semper facit. Cujus rei rationem scientiâ parum comprehendo; nam, ut qua ratione materiam variolarum et morbillorum propriam ad cutem natura trahat, ita quomodo ad intestina Dysenteriae semina applicet, incomprehensibile nobis videtur.

Causa proxima.

CAUSIS antecedentibus et occasionalibus expositis, proxima deinde tentanda est: Hanc vero, in acribus secretionibus, prae caeteris, bilis, ad intestina delatis, consistere verisimile est. Quam acrem naturam quoque putridam esse, tam antecedentium causarum effectus, quam ipsius morbi affectiones, suspicionem faciunt. Quare vero humores intestina praecipue petant, ratio jam ante reddita est. Quocirca solum hic porro dicendum est, secretiones morbum facientes, simul ac esse coeperunt,

coeperunt, intestinorum nervos irritare, ideoque illorum tunicas spasmis afficere; spasmus autem etiam plus humorum fecernere; hos intestinis cavis receptos aliquid fermentationis capere; atque ita putridiorem acrioremve naturam magis magisque omnia demum acquirere; quae opinio plurimos et praecipuos morbi affectus explicabiles reddit. Ampla autem intestina, atque ex his Coli extremum, Rectumque, prae caeteris eo laborant, quod acris causa illic diutissime subsistit, et vehementissime saevit.

DE morbi eventu tripliciter, pro hominum natura, pro causarum antecedentium ratione, postremo pro affectuum gravitate aut levitate, judicandum est. Itaque mollities et imbecillitas, quam firmitas et robur, tenera quam firmata aetas, magis periclitantur. Minor igitur de infantibus, pueris, mulieribus, senibusque, quam de puberibus, juvenibus et viris, spes est; minor quoque, prout horum ipsorum quisque imbecilliore corpore fuerit, quam si robore et corporis vi valuerit.

Quis morbi finis futurus.

TUM quibus, vel frequens jam ante, vel recens, adversa valetudo fuit, ii ad funestiore finem perducunt, quam secunda valetudine usi, aut integri in hunc morbum impliciti, consueverunt. Igitur scorbutici, tabidi, malove venereo afflicti, gravidaeque

que mulieres, in Dysenteriam incidentes, summo haud carent periculo. Eadem acuto morbo succedens, mala est; longum excipiens, exitium certum trahit.

Quod vero ad signa attinet, primum quae spei aliquid, dein quae perniciem ostendunt, morbi quodam ordine servato, attingam. Si igitur primas excretiones levaminis quid secutum est, salus significatur. Stercus non male olens, sitis, et alia febrilia non magna, citoque desinentia, animi magnitudo, et somnus placidus, salutem haud dubiam promittunt. Eandem tenesmus, et tormina remittentia, praenunciant. Huxhamus (a), “ sudores mediocres, aut aequaliter diffusos, urinamve sedimentum largum deponentem, saepe prodesse,” auctor est. Neque vero, circa initia singultus metuendus, quippe quem vel coctio prava, vel lumbrici intestinorum tunicas rodentes, fecerint. Contra, ventriculi turbae, hoc purgato, non solutae, febris ab ipso initio gravis, magnus viscerum dolor, alvus frequens, et variorum colorum, aut mali odoris, anxietas, cibi fastidium, sitis ingens, malam morbi naturam mature indicant; quoque magis sanguinea urina, atrive magis coloris est, eo pejor. Inflammatio major minorve habenda est, prout magis aut minus omnia intus ardeant, extrinsecus frigescent, prout a-

nus

(a) De aëre, lib. ii.



nus magis minusve procidat, difficiliusque aut facilius urina reddatur, ideoque et partis laborantis pernicipiei par erit periculum. Procedente morbo post sanguinis sinceri copiam profusam, extrema frigescentia nihil boni denotant. Post vero haec lingua arescens, et in rimas quasi fatiscens, aut coloris cinerei, lividive, prava nota est; coque magis, si fauces etiam arescunt; siquidem hoc mox aphthas futuras, nunquam non lethales, praetunciat. Denique omnia intestinorum partem aliquam mortuam significantia, mortem minitantur. Postremo convulsiones, singultus, mensque alienata, ad extremum perventum esse, declarant. Ad memorata adtexendum videtur, omnem Dysenteriam quam febris putrida, qualisve in nosocomiiis, carceribusque, incidere solet, quaeve nigras summo corpore maculas emisit, comitatur, aut in qua febris ante levata iterum recrudesceat, fore pernicipialem.

PARTIBUS curationis mox tradendis, quaedam Curatio.  
ad totius morbi cursum regendum, et curationem expediendam, pertinentia, visum est praeponere. Cum primum igitur Dysenteria aliquem cepit, eum in cubiculo amplo, perflato, omni humore carente, locari oportet. Tantum vero ignis servari assidue debet, quantum ad vapores humidos ab aegrotante usque orientes, temperandos, non

D

etiam

etiam ad calorem faciendum, sufficiat. Media enim huic morbo aëris temperie opus est. In nosocomiis vero quam paucissimi aegrotantes in unum locum conferendi, interdiumque fenestrae, quo liberius aër intus adspiret, apertae habendae sunt. Tum cubicula aceto et herbis aromaticis spargenda, atque subinde myrrhâ cum thure ibidem adolenda, judico. Hominem et aegrotare incipientem, et per omnia deinde morbi tempora calidâ aquâ totum lavari, vel in balneum totum, si vires finant, demitti, saltem extremos artus frequentissime, convenit. Cito enim fordescent hoc morbo affecti, et cum sibi, tum adstantibus, fastidium movent. Denique eadem fordes liberam perspirationem impediunt. Quam ob causam, indusia et lintheae lecti vestes saepe mutandae. In nosocomiis lecti in alios atque in alios deinde locos motitandi sunt. Qua ratione aër immundus, et reliquae fordes circa lectum volitantes, magna ex parte vitabuntur; semperque quam primum quae alvo sunt reddita, sepelienda sunt. Postremo, nullum genus carnis homini, nisi ad salutem prope jam reducto, in cibum permittendum est.

IN hac Dysenteriae specie quam tractandam putavi, hujusmodi mihi curatio placet;

PRIMUM, ut inflammationi occurratur, acribus rebus intestinorum tractu dejectis, aut correctis; dein febris tollatur, humoribus ad summum corpus derivatis; tum quae gravissima sunt, et maxime urgent, ea leniantur; postremo, alvus reprimatur, et viscerum robur restituatur.

Curandi  
communia  
consilia.

SIQUIDEM hoc morbo incipiente, humorum acrium, et justo auctior, copia ad intestina defer-  
tur, ideo inflammationem brevi sequuturam pro  
certo habendum.

Primum.

CUI igitur futurae occurrere, vel factae resistere, prima medentis cura esse debet. Sed hoc nulla ratione perfici magis potest, quam primo quoque tempore tales noxas primis viis ejiciendo. Igitur ante omnia nausea et aliae molestiae, vomendi necessitatem indicant. Sola autem restat difficultas, quae sit natura medicinae dandae, quo-  
ve modo dari eam conveniat.

VITRUM ceratum antimonii diu, et pro emetico potente, et pro remedio proprio, celebratum est. Cui omisso, sive ob iniquiorem hominum existimationem, seu ob violentam ejus actionem, ipecacuana successit, et inter omnes medicos recepta est. Quae ipsa, quia tardam et saepe incertam ejus actionem medici judicaverunt,  
nuper

Vomitum  
movendo.



nuper quoque posita est, rursusque aliud ex antimonio paratum, scilicet tartarum emeticum, vel solum, vel adjecta ipecacuana, dandum, in usum revocatum est. Itaque BAKERO (*a*), inter ea medicamenta, quae vomitus causâ adhibentur, tartarum emeticum aquâ dilutum plurimâ praestantissimum longe visum est. Ejusdem grana sena simul TISSOTUS (*b*) dedit. Ego vero nostro proposito maxime respondere medicinam, a doctissimo HUCKIO (*c*) medico inculcatam, judico. Is quaterna vel quina ipecacuanæ grana, singulis tartari emetici additis, dari, nec ullâ aquâ tepidâ haustâ, sed medicinâ solâ per se agente, inter binas horas iterum tantundem addi, et aquâ, in qua chamaemelum solutum est, ventriculum aegrotantis ablui, jussit; et hanc esse optimam primas vias purgandi rationem testatur. Eandem emetici dandi rationem ELLERUS (*d*) secutus, tantummodo in hoc dissensit; quod tartarum emeticum ipecacuanæ additum, nisi robustis hominibus, non ingessit. Hic pulveris ipecacuanæ drachmas singulas, tartari emetici granis quaternis adjicere, exiguisque portionibus, bis, ter quaterve die, donec vomitus moveretur, dare consuevit.

JAM

(*a*) De Dysenteria, p. 26. (*b*) P. 278. (*c*) PRING. p. 275.

(*d*) De cognoscendis et curandis morbis, § 13.



JAM vero, cum homo vomere defierit, magnam diluentium et viscosorum liquorum copiam bibere debet; cujusmodi est aqua in qua oriza, vel hordeum decoctum, et tragacanthae paululum fit solutum: Nec emulsio arabica, mucilaginis et olei naturam habens, minus respondebit.

Diluentia  
dando.

POSTERO autem mane, vel etiam maturius, prementibus affectibus, intestinis acria et putrida, durumve stercus, dejici oportet. Ad hoc vero alvum purgantia adeo efficacia sunt, ut ea sola saepe Dysenteriam sustulerint. YOUNGIUS (a) pleraque Dysenterias, quae sibi curandae contigerant, leniter at assidue alvum moventibus cedere compertum habuit. Ea mihi quoque, incipiente morbo, anteponenda videntur, quae et lenius agunt, et potenter alvum fundunt; hujusmodi sunt jalapii grana vicena et quina, nitri vicena, vel falsi Glauberiani, mannaeque, singulorum unciae singulae, commixtae. Nonnulli rhabarbarum, vel integrum, vel cum calomelane conjunctum, ad actionem ejus acuendam, et tormina prohibenda, malunt; alii illius tincturam anteferunt. Quod utique nunc ubique, nec, ut opinor, immerito, omittitur. Certe ego viro gravi BAKERO, “ vel  
“ effectum ejus levissimum, aut plane nullum esse,  
“ vel non nisi tardiuscule et impotenter, et fere  
“ cum

Alvum  
purgando.

(a) On opium, pag. 28. and 29.

“ cum augmento torminum, agere, atque in-  
 “ flationis officio fungi,” dictitanti assentio. Ve-  
 rum utrumcumque horum medicamentorum dan-  
 dum fuerit visum, post actionem ejus, opiata, ad  
 hominem reficiendum, et intestinorum irritatio-  
 nem consopendam, dari quoque conveniet. Por-  
 ro quoniam, circa morbi initia, purgantibus potis-  
 simum fidendum est, hoc in loco ipecacuanæ exi-  
 guum subinde datum, quod et morbi materiam  
 corpore expellit, febremque putridam, tormina  
 et tenesimum minuit, non est praetereundum.  
 Idem etiam sudorem, utilissimam in Dysenteria  
 rem, movet, de qua re suo postmodo loco di-  
 cetur.

Diluentia  
 et mucil-  
 aginosa  
 dando.

INTEREA loci, ut vomitu peracto, ita alvi quo-  
 que purgatione absolutâ, materia acris diluentium,  
 mucilaginosorum et viscosorum liquorum, usu  
 corrigenda est. Horum autem exiguum simul  
 aliquid, sed saepius dandum ; atque eadem, quae  
 supra, hic quoque convenient. Profecto morbo,  
 ex cera parata ex usu homini esse possunt. Hu-  
 jusmodi sunt sequentia in Septentrionali America  
 a HUCKIO(a) medico adhibita. Ille cerae flavae  
 rasae drachmam et dimidiam, saponis Hispanici,  
 duri, rasi, scrupulum unum, aquae fontanae drach-  
 mam unam, leni igne liquefecit, assidue agitando  
 donec in unum coiret, deinde in mortarium lapi-  
 deum

(a) PRINGLE's obser. on the diseases of the army, p. 283.

deum effudit, sensim admiscendo aquae fontanae uncias septem, aquae in qua nux moschata soluta est unciam unam, ut emulsio fieret; quo facto, partes ita subinde hauriri, ut totum medicamentum, unius diei spatio, consumeretur, voluit.

CIBI hominis ejusdem naturae esse debent ac potiones, scilicet oriza, hordeum, aqua in qua hordeum decoctum est, vel, quod meâ sententiâ etiam potius est, salep hac ratione paratum; salep drachmae binae, sacchari unciae dimidiaae fuman-  
tur, et aquae ferventis dimidiis libris adjectis, agitentur, dum in crassius mucilaginosum aliquid coëant, quibus deinde vini albi cyathi dimidii addantur. Hoc satis alens, et ventriculo satis leve est, et toties dari debet, quoties homo desideret. Ad acrem humorum in Colo et Recto naturam minuendam, ea quae oleosa et mucilaginosa sunt, per alvum saepius immitti debent.

Cibosque  
ejusdem  
naturae  
dando.

INFLAMMATIONI quoque, ut in aliis, ita in hoc morbo, resistit sanguinis detractio. Neque tamen haec perpetua est; nam si ad malum, suâ naturâ putridum, hominis imbecillitas accedat, parcius sanguis, interdum non omnino, mittenda est; eoque magis, quo citius vires labefactari solent. Contra, si florens aetate et robore ac pleniore corpore quis afficitur, si febriles affectiones ingra-  
vescunt,

Sanguinem de-  
trahendo.



vescunt, arteriae vehementes et frequentes sunt, calor et sitis premunt, si denique certo intestinorum loco dolor sedet, et tormina crebra torquent; semper vena secanda est, ac potius saepius quam multum simul sanguinis eliciendum: Atque haec observatio eo magis est necessaria, quod, si nimium perierit, lababunt vires aegrotantis; si parum, et id ipsum profuerit, ad idem iterum aditus erit auxilium. Item observandum est, medicum a sanguine iterum mittendo, licet nullum inflammationis indicium se ostenderit, non esse deterrendum. Ipse enim sanguinis exiguum detractum plurimum prodesse comperi.

Alterum.

ALTERUM fuisse medendi consilium dixi, ut febris minueretur. Qua vero ratione id sit tentandum haud obscurum est; siquidem inter omnes medicos, quamdiu sicca cutis est, neque febrem, neque reliquas turbas decedere; contraque, cum primum aliquis sudare coeperit, febrem protinus minui, tormina paulatim leniri, postremo alvum pauciora et rarius reddere, convenit. Cujus rei ratio in promptu est; humores enim morbum alentes, sic ab intestinis laborantibus ad summum corpus paulatim dissipantur.

Sudorem  
movendo.

QUOCIRCA, simul ac primae viae purgatae fuerint, ut sudor moveatur, et perspiratio expediat,

diatur, omni ope nitendum est. Quod facientium, medicamentorum magna sane copia est. Quorum tamen ea, quae maxime usu celebrantur, sola memorabo. Ipecacuanæ id datum, quod levem nauseam moveat, utilissima fere existimata est. Sudorem enim movet, spasmos solvit, leniter alvum purgat, ideoque plurimum ad salutem confert. Clarus AKENSIDIUS(a), “ efficacia ipecacuanæ,” inquit, “ e duabus facultatibus pendere videtur; primo nempe, quod alvum solutiores reddat, atque ita humorem, quo morbus pascebatur, et quo continetur, e corpore expellat; secundo vero, quod intestinorum tunicas relaxet, atque torminum violentiam infringat. Unde doloris maxima pars detrahitur; et adeo tolerabilis fit morbus, ut plerumque, sine magna molestia, aeger expectorare possit, dum materiam morbidam dejectiones e corpore penitus egerint.” Verum cum vim ipecacuanæ purgantem, sudorem movens, vis imminuat, et nihil ab hac, quod non a leniter purgantibus, commodi oriatur, eamque plerique homines ob nauseam excitatam fastidiant; ergo, ut et nausea dematur, et sudorem movens, spasmosque tollens, proprietas augeatur, cum illa opium conjunctum velim. Hujus medicinae, qualis est pulvis Doverianus, grana dena usque ad scrupulos singulos

E

gulos

(a) Cap. iv. p. 27.

gulos, post quaternas vel quinas quasque horas sumpta, atque mixturae salinae uncias quaternas, post singulas has portiones epotas, sudorem eliciuisse, putredini restituisse, sitim restinxisse, laborantibus grata fuisse, et mirum in modum multis profuisse, animadverti. Porro eodem, quo ipecacuana, consilio, antimonialia sunt adhibita, scilicet, vitrum ceratum antimonii. Quae utique in hac quoque re suam famam perdidere, neque iterum prius recuperavere, quam usus et testimonia complurium medicorum insignium, tartarum emeticum ipecacuanâ multo esse efficacius, nuper ostenderunt. Idem palato gratius nauseam minus movet, opioque conjuncto, spasminis obstat. Hujus proprietatem adstringentem virtus tartari emetici sudorifica solvit. Item camphora cum nitro sudorem optime excitant, putredini adversantur; praeterque haec, illa etiam corporis motus vim sedandi possidet. Utrumque igitur, in hac parte curationis, utile erit auxilium. Camphorae grana quinque ad decem, nitri decem ad viginti, quarta vel quinta quaque hora, accipi convenit; vel, pro nitro, theriacae Londinensis drachmam dimidiam, camphorae grana quinque, syrupi diacodii, quantum ad bolum efformandum sufficiat, ter in die sumi licebit.

Putredini  
resistendo.

SI summa putredo non est, ea medicamenta febrem et caeteras turbas sublatura, verisimile est.

Verum



Verum si febris permanfit, et putredinis, cujusmodi funt dentium et linguae nigredo, ac fpiritus male olens, figna tandem prodidit; omnis futuri fpes in cortice Peruviano, ferpentariae Virgini-  
anae radice adjecta, decoctis, confiftit. Haec medicina duobus nominibus faluti eft: Namque vis ejus antifeptica putredinem, quae febrem alit, aphthas, petechias, noviffimeque inteftinorum mortem infert, ulterius procedere prohibet. Porro, proprietas ferpentariae radice fudorem movendi, humores morbum continentes ad fumum corpus diffipat. Potui lemonada detur; quae, fi frequentius alvum dejecerit, ea quae elixir vitrioli acida reddidit, perpotentur. Quin et opiatum, fi inquietus homo eft, unaquaque nocte ingeratur; fiquidem nihil fudationem opio magis fovet. Huic confilio pilulae faponaceae refpondebunt; vel pro his aquae menthae unciae duae, elixir paregorici drachmae quatuor, vini emetici drachma una, fyrapi facchari uncia dimidia, mifceantur, et horâ fomni fumantur. Haec fere medicamenta, in hac curationis parte, vulgo adhibentur: Jamque ad tertiam tranfeundum eft.

QUAE maxime faeviunt, tormina, Coli Recti- Tertium.  
que imi irritatio, tenefmus, loci laborantis mor-  
tis periculum, ventriculi inorfus, vomendi defi-  
derium, aphthae et robur confectum, jam mollien-  
da

da et componenda sunt. Horum omnium, tormina et tenesmus praecipuam medentis curam vendicant. Atque haec, nisi gravior morbus fuerit, supra praeceptis medicamentis cessasse, existimo. Quibus parum respondentibus, ad opium vulgè confugitur. Quod ego, quamdiu febris permanet, nisi urgente necessitate, nulla alia ratione intus dandum, quam supra dictum est, judico. Ut igitur a torminibus incipiam: Ea si saeviunt, alvum purgantia, calida, mollientia fomenta, purgantia leni naturâ, saepius dari, convenit. Si haec nihil profuerint, et dolores immoti maneant, vesicatorium vel emplastrum commune, epispastici quarta parte adjecta, parti dolenti superimponi PRINGELIUS voluit(a). Imi Coli Rectique irritationem prae caeteris mulcent, adeoque tenesimum levant anodyna mollientia per alvum immissa. Hujusmodi sunt liquores in quibus althaea, lini semina, amyllum, oleumve, decocta sunt, ad quae, si res urgent, laudani tantum, quantum ad somnum conciliandum sufficiat, debet accedere. Quod si, his omnibus remediis frustra datis, Rectum ad mortem tendere, omnium malorum crescens violentia suspicionem fecit, lotionibus putredini resistentibus alvus ducenda est. Cui rei aptissima est aqua, in qua cortex Peruvianus, quercinus, radixve tormentillae, decocta, et ali-

quot

(a) Diseases of the army, p. 282.

quot opii grana soluta sunt ; saepiùsque his omnibus, praesertim si nihil extractum est, alvus tentanda est. Praeterea, cum murmura, sicut et dolores ventris, ab aëris intus contenti copia, saepe oriantur, hoc expulso, utraque levabuntur. Id quod chamaemelum, centaurium minus, infusa praestant. Ventriculi morsum, julepum e creta lenit. Vomendi, cum oris ingrato sapore, desiderium, indicat medicinam quae lenem vomitum moveat, quolibet morbi tempore subinde esse dandam. Postremo, aphthae, fractumque robur, corticis Peruviani, aliorumque medicamentorum adstringentium, quale electuarium e scordio est, sicut et calide roborantium, qualis est confectio cardiaca, usum sibi vendicant. Jamque potiones omnes austero vino adstringente, ad labans robur sustentandum, miscendae sunt.

QUORUM vero natura, cum auxiliis haecenus praeceptis, Dysenteriae propria pericula superaverit, iis tamen ad salutem nondum reductis, et minus secunda valetudine diu saepe usuris, altera curatione opus est ; ad quam deinde transimus. Febri, et aliis Dysenteriae affectionibus, jam sublatis, plerumque fusa alvus, saepe tenesmus superstes est. Quam utramque molestiam, solutus intestinorum habitus, et mucus, quo a rebus irritantibus

Postremum fit, adstringendo, roborando et lubrificando.



tantibus tegi solent, deficiens, fecerunt. Quocirca adstringentibus, roborantibus, et lubrificantibus, per victum et medicinam, opus erit.

ILLO contentus sit is, cui modice magis alvus resoluta est, quemque tenesmus nullus exercet. Ea igitur quae, et levis, et alente naturâ sunt, cujusmodi sunt fago, falep, oriza, lac, puls cum recente butyro, jusculum sive pullinum sive ovinum, ova ita cocta ut lenta sint et gelatina, fumi licebit. Vel haec PRINGELII (a), “recentis feri uncias binas, lactis quoque recentis libras totidem, leni igni superimponi, et ad fervorem agitari, hisque deinde amyli subtiliter contriti cochleare additum misceri,” praecipientis, etiam melius, si nullo alio cibo homo vescitur, respondebunt.

QUOD si crebrius et molestius funditur alvus, si tenesmi aliquid permanet, neque omnia febris ex toto decesserunt, homine supra, perque sudorem, infraque, ad dura stercoris frustula dejicienda, prius purgato; mox medicamenta, de quibus supra relatum est, dandi tempus erit. Ex adstringentium genere simaroubae radix, vel pilularum sub forma, vel decocta, multum laudatur. Quin et lignum Campechense sive decocti sive extracti formâ paratum, per

inviscantem

(a) Diseases of the army, p. 288.

inviscantem aequè ac adstringentem proprietatem, multum prodesse dicitur. Si haec medicamenta alvum parum represserint, electuarium e scordio cum opio, ter quaterve interdiu; sub noctem vero, pilulas saponaceas a granis quatuor ad octo, in eorum locum suffici licebit. Porro, electuarium e cortice Coneffi, cum syrupo aurantiorum paratum, illustris MONROIUS pater, cuidam, tres jam menses pertinace Dysenteria laboranti, cum omnia frustra essent tentata, feliciter inculcavit. Ita vero illud agit, ut primo die, et plura et copiosiora, torminibus non excitatis, alvo dejiciat; secundo, salutarem magis colorem dejectis reddat; tertio, quartove, stercoris naturalis crassitie similia eadem efficiat (*a*). Quin etiam cortex Eleutheriae aut Cascarillae, etiam maturo Dysenteriae tempore, plurimum profuisse comperitus est (*b*). Hunc academici Galli, in Dysenteria per populum anno MDCCIXX vagante, et ipecacuanâ frustra curatâ, mirum attulisse auxilium, scriptis prodiderunt. Pro roborante, et cibi desiderium excitante, habebatur. Quae quidem testimonia, utrumque hunc corticem a nostro proposito non esse alienum, declarant. Tormentillae radicem, et corticem quercinum, ore acceptum, proadstringentibus SENNERTUS commendavit(*c*).

BAGLIVIVS,

(*a*) Medical Essays, vol. III. art. iv. p. 30.

(*b*) JUNKER. Conspect. Med. p. 361.

(*c*) P. 457.

BAGLIVIVS, lactis bovini serum ore acceptum, et in alvum immiffum, multos ad fecundam valetudinem reduxiſſe, auctor eſt. Si alvi fuſae cauſa inteſtinorum ulcera fuerunt, electuarium e balfamo LOCATELLI ovique vitello, cum aqua calcis et lacte, potui datum maxime erit idoneum. Si haec ulcera Rectum obſident, vulneraria quae dicuntur, et detergentia, in alvum recte immittuntur. Poſtremo, ad ſalutem firmandam, et robur reſtituendum, corticis Peruviani toties tantaque copia data, quoties quantamque ventriculus ferre potuerit, apprime utilis erit : Lacteoviſtu uti, aëra purum ſpirare, exerceriſque homo debebit.

F I N I S.